

CONVENIO DE COLABORACIÓN ENTRE A DEPUTACIÓN DE PONTEVEDRA E O CLUB CICLISTA RÍAS BAIXAS PARA AXUDAR Ó FINANCIAMENTO DOS GASTOS DE PARTICIPACIÓN NA COPA DE ESPAÑA ÉLITE-SUB23

En Pontevedra, na data da sinatura dixital

Reunidos,

Luis López Diéguez, Presidente da Deputación de Pontevedra actuando en virtude das competencias que lle atribúe o artigo 34.1.b) da Lei 7/85, do 2 de abril, Reguladora das Bases do Réxime Local.

Jose Luis Chamorro Perez, presidente do Club Ciclista Rías Baixas, na súa representación e no exercicio das facultades atribuídas ao efecto polos seus estatutos.

Dando fe do acto, Don Carlos Cuadrado Romay, secretario xeral da Deputación de Pontevedra.

Ambas as partes recoñécense con capacidade para formalizar este convenio e, en base aos principios de colaboración, cooperación, coordinación e eficacia que deben presidir as actuacións das administracións públicas,



EXPOÑEN

Primeiro. Que os convenios son acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común, tal e como establece o artigo 47 da Lei 40/2015, do 1 de outubro, de réxime xurídico do sector público.

Segundo. Que de acordo coa Lei 7/1985, de 2 de abril, Reguladora das Bases do Réxime Local, que dispón no seu artigo 36. D) que as competencias propias das Deputacións serán as de cooperación no fomento do desenvolvemento económico e social e de planificación no territorio provincial, de acordo coas competencias das demais Administracións Públicas neste ámbito, así mesmo o artigo 109 letra d) da Lei 5/1997 de 22 de xullo de Administración local de Galicia, establece que serán competencias propias das Deputacións provinciais as que baixo este concepto lles atribúan as leis e en calquera caso, entre outras o fomento e a administración dos intereses peculiares da provincia.

Terceiro. Que entre os obxectivos que inclúe a lei do Deporte de Galicia, no seu artigo 7, as deputacións provinciais, nos termos que dispón esta lei, a lexislación de réxime local e a lexislación sectorial do Estado, exercerán no seu correspondente ámbito territorial as seguintes competencias:

- Fomentar, promover e difundir o deporte.
- Colaborar cos municipios para garantir a prestación integral e adecuada de actividades deportivas e impulsar a xestión mancomunada destas.
- Calquera outra actuación que vaia en beneficio do desenvolvemento deportivo local, comarcal ou provincial.

Cuarto. Que a Lei do Deporte de Galicia, no seu artigo 40, define as entidades deportivas e dispón que o obxecto primordial, é o fomento e o impulso da práctica continuada dunha ou varias modalidades deportivas, así como a participación en actividades e competicións deportivas calquera que sexa o seu nivel e destinatario. Mentres que o artigo 29 sinala, que as administracións deportivas de Galicia, no ámbito das súas respectivas competencias, e coa



colaboración, no seu caso, doutras entidades e organizacións, públicas ou privadas, facilitarán alternativas e medios para a práctica da actividade física que leven a cabo as persoas físicas, individual ou colectivamente, co principal obxectivo de mellorar a condición física e/o a ocupación activa do tempo de lecer.

Quinto. Que a Ordenanza Xeral de subvencións da Deputación de Pontevedra dispón no seu artigo 22.2 que as subvencións poderanse conceder de forma directa cando estean consignadas con carácter nominativo no orzamento.

O Pleno da Deputación de Pontevedra, na sesión ordinaria que tivo lugar o día 26 de decembro de 2025, acordou a aprobación definitiva do orzamento xeral da Deputación para o exercicio de 2026, no que se incluía unha subvención nominativa ao "CLUB CICLISTA RÍAS BAIXAS (G36842946)" por importe de 40.000,00 €.

Sexto. Debe terse en conta que os actos de concesión de subvencións (acordo, resolución ou convenio) terán o carácter de bases reguladoras e deben incluír, como mínimo, os extremos recollidos no artigo 15.6 da OXSDEPPO.

Sétimo. Emitido informe do servizo de Deportes como órgano instrutor, no que se acredita que o expediente de petición de subvención que se achega a continuación, reúne os requisitos establecidos na Lei 38/2003, Xeral de Subvencións, así como o establecido na Ordenanza Xeral de Subvencións da Deputación de Pontevedra e informado favorablemente pola intervención a fiscalización previa á concesión da subvención.

Oitavo. Deste xeito, e a fin de cumprir as dúas entidades cos seus fins e obxectivos e así garantir o acceso en igualdade á practica deportiva de alto nivel a poboación da provincia de Pontevedra,



ACORDAN

Formalizar o convenio de colaboración entre a Deputación de Pontevedra e o Club Ciclista Rías Baixas ca finalidade de que o club participe nas competicións da tempada 2026 (en diante aparecerá denominado como "convenio") con suxeición ás seguintes:

CLÁUSULAS

Primeira. Obxecto do convenio

Este convenio ten por obxecto regular a concesión da subvención prevista nominativamente no Orzamento 2026 da Deputación de Pontevedra e o Club Ciclista Rías Baixas como club da provincia de Pontevedra que participa na copa de España carretera-Élite Sub23.

O convenio ten a finalidade de colaborar co financiamento dos gastos derivados da actividade competitiva do club para a tempada 2026, dende o 01 de xaneiro de 2026 ata o 1 de outubro de 2026.

Segunda. Obrigas da Deputación de Pontevedra

O organismo provincial comprométese a:

- Aprobar e comprometer o gasto da subvención prevista nominativamente nos orzamentos de 2026 da Deputación de Pontevedra ao Club Ciclista Rías Baixas (G36842946) e abonar o importe de 40.000,00 €, condicionado o cumprimento dos termos establecidos no presente convenio.
- Tramitar, resolver e notificar o convenio nos termos establecidos no mesmo.

Terceira. Obrigas do Club Ciclista Rías Baixas

O Club Ciclista Rías Baixas comprométese a:

- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.



- Xustificar ante o órgano concedente ou a entidade colaboradora, no seu caso, o cumprimento dos requisitos e condicións, así como a realización da actividade e o cumprimento da finalidade que determinen a concesión ou goce da subvención.
- Cumprir coas medidas de publicidade e difusión nos termos regulamentariamente establecidos na cláusula oitava do convenio.
- Estar ao corrente no momento da concesión e da xustificación das obrigas tributarias coa Axencia Estatal Tributaria, coa Facenda galega, coa Seguridade Social e coa Deputación de Pontevedra, e non ter obrigas ou incumprimentos pendentes, de calquera tipo e non só económicos, coa institución provincial, no caso de non estar ao corrente no cumprimento das obrigas anteriormente citadas no momento da comprobación, notificarse á entidade para que emende e xustifique que ten regularizada a súa situación. De non achegar a xustificación quedará excluída e non poderán obter a condición de beneficiaria.
- Someterse ás actuacións de comprobación, a efectuar polo órgano concedente ou a entidade colaboradora, no seu caso, así como calquera outras de comprobación e control financeiro que poidan realizar os órganos de control competentes, tanto nacionais como comunitarios, achegando canta información lle sexa requirida no exercicio das actuacións anteriores.
- Comunicar ao órgano concedente ou a entidade colaboradora a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.
- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cuantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.
- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- Cumprir co disposto no art. 43 da Lei 3/2012, de 2 de abril, do Deporte de Galicia, deberá levar os libros contables susceptibles de xustificar a exactitude dos resultados das operacións económicas realizadas e que reflectan a imaxe fiel da súa actividade económica.



- As contas deberán presentarse adaptadas a temporada deportiva, cando a mesma non coincida co ano natural, sendo causa de reintegro a non presentación das mesmas.
- As entidades beneficiarias deberán aprobar a liquidación da tempada obxecto da subvención. O acordo deberá ser aprobado pola Asemblea ou órgano competente da entidade deportiva, referindo de xeito expreso no acordo e con carácter mínimo, o importe total dos gastos, o importe total de ingresos e o resultado da tempada.
 - Cumprir cos demais supostos previstos nesta convenio ou calquera outra obriga prevista no artigo 14 da Lei de subvencións 38/2003, de 17 de novembro, xeneral de subvencións (LXS).

Cuarta. Crédito orzamentario, orzamento, contía e coeficiente de financiación.

A concesión da subvención imputarase con cargo á aplicación orzamentaria 26/340.3410.489.02.

O importe da subvención ten unha contía de 40.000,00 €, o que supón un coeficiente de financiamento do 57,14 % sobre o orzamento detallado do proxecto obxecto da subvención presentado polo club por importe de 70.000,00€ excluído o IVE e que se achega no anexo II.

| Orzamento | Subvención concedida | Coeficiente de financiación |
|------------|----------------------|-----------------------------|
| 70.000,00€ | 40.000,00€ | 57,14 % |

Quinta. Compatibilidade e incompatibilidade

A subvención será compatible con outras subvencións, axudas, ingresos ou recursos para a mesma finalidade, procedentes de calquera outra Administración ou ente público ou privado. Conforme ao disposto no art. 19.3 da Lei 38/2003, de 17 de novembro, xeral subvencións, e no art. 17.3 da Lei 9/2007, de 13 de xuño, de subvencións de Galicia que indica que, "o importe das subvencións en ningún caso poderá ser de tal contía que, en illamento ou en concorrencia con outras subvencións, axudas, ingresos ou recursos, supere o custo da actividade subvencionada".

A subvención será incompatible con calquera subvención para a mesma persoa beneficiaria e a mesma finalidade, con cargo a créditos desta Deputación e os seus organismos dependentes,



en especial, coas convocatorias de subvencións a clubs deportivos da provincia de Pontevedra de ámbito inferior ao estatal, estatal e náutico para o ano 2026 da Deputación de Pontevedra.

Sexta. Notificación electrónica

As notificacións de resolucións e actos administrativos practícaranse só por medios electrónicos, nos termos previstos na normativa reguladora do procedemento administrativo común.

Sétima. Procedemento de xustificación e pago

A entidade beneficiaria da subvención deberán xustificar o cumprimento da finalidade para a que se concedeu a subvención. O prazo de presentación das xustificacións finalizará o 31 de decembro de 2026.

As entidades beneficiarias deberán presentar a xustificación obrigatoriamente por medios electrónicos a través do modelo "2887054 Trámites administrativos xenéricos distintos da solicitude", dispoñible en <https://sede.depo.gal>.

Para a xustificación as entidades beneficiarias deberán presentar a seguinte documentación:

- **Anexo II. Conta xustificativa de gastos e ingresos**

Na xustificación de gastos, relacionaranse os conceptos de gastos presentados no anexo II coa solicitude por un importe igual ou superior ao orzamento presentado.

- No caso de que se xustificquen gastos inferiores ao orzamento presentado coa solicitude, aboarase a parte proporcional da subvención.
- No caso de necesitar relacionar máis gastos utilizarase o documento de continuación da conta xustificativa (Anexo III).

Na xustificación de ingresos, relacionaranse as axudas concedidas por outros organismos públicos para a finalidade subvencionada e declararase, que o importe das subvencións concedidas por outros organismos públicos e os fondos propios ou privados para a actividade/investimento subvencionado non superaron o importe total dos gastos para



dita actividade. No caso de superávit, será motivo de reintegro, co límite da subvención concedida pola Deputación Provincial de Pontevedra.

- **Facturas ou documentos análogos** con valor probatorio no ámbito mercantil e administrativo polo importe da subvención concedida.
- **Anexo IV.** Memoria na que se xustificuen as medidas de publicidade e difusión da subvención, por medio de fotografías que mostren de forma clara e inequívoca cada unha das actuacións requiridas.
 - No caso de que a entidade non xustificase correctamente as medidas de publicidade e difusión, o servizo de deportes poderá establecer unha dedución máxima de ata o 15 % sobre o importe da subvención. Para a imposición destas deducións non fará falta tramitar un procedemento especial distinto ao da xustificación da subvención, facéndose o pago da subvención descontando o importe da dedución do importe concedido.

Outras normas que se deben ter en conta na xustificación:

- Co fin de facilitar o cumprimento das obrigacións de xustificación, o club poderá presentar unha xustificación parcial sempre que o importe xustificado nesta primeira fase supere o 50 % do orzamento presentado coa solicitude. En tal caso, a xustificación restante deberá ser presentada dentro do prazo xeral establecido.
- Os gastos presentados na conta xustificativa deben estar pagados ás súas respectivas provedoras e provedores antes de presentar a xustificación da subvención. No caso de que o club non dispoña de fondos nese momento, terá un prazo máximo dun (1) mes desde que perciba a subvención para efectuar eses pagos. Se posteriormente, mediante control financeiro, se comprobase que algún dos gastos non se pagou ou se fixo fóra de prazo, este deixará de ser subvencionable.
- As entidades beneficiarias das subvencións provinciais deben empregar, con carácter xeral, formas de pago a terceiras persoas que poidan acreditarse mediante un documento expedido por unha entidade financeira no que queden identificados a ou o beneficiario, o importe e a data de pago (tarxetas bancarias de crédito ou débito, talóns nominativos, transferencias bancarias etc.), e só excepcionalmente poderá empregarse o pago en



metálico cando non sexa posible outra forma alternativa. O incumprimento desta disposición para algún gasto que supere o importe de novecentos (900,00) euros implicará que este se considere non subvencionable.

- En caso de clubs que non teñan contabilidade, os gastos que non se paguen mediante unha entidade financeira non se considerarán subvencionables.
- Unha vez vencido o prazo de xustificación sinalado nestas bases ou, no seu caso, o establecido na prórroga sen que a entidade beneficiaria presente a documentación xustificativa, o Servizo de Deportes requirirá que o faga no prazo improrrogable de quince (15) días. Pasado este prazo sen que a entidade interesada atenda o requirimento, entenderase que renuncia á subvención, e ditarase a resolución de perda do dereito ao cobro, que será notificada á entidade beneficiaria.

O pago da subvención efectuarase unha vez aprobada a xustificación. Dito pago realizarase mediante transferencia bancaria a conta indicada na solicitude.

As entidades que presenten a xustificación parcial, procederase ao pago das partes proporcionais da subvención unha vez aprobadas ditas xustificacións.

Para cobrar a subvención os clubs deberán estar ao corrente das súas obrigas tributarias coa Axencia Estatal Tributaria, coa Facenda galega, coa Seguridade Social e coa Deputación de Pontevedra.

Oitava. Medidas de publicidade e difusión.

As entidades beneficiarias destas axudas deberán levar a cabo as seguintes actuacións en materia de difusión ou publicidade:

- **Camiseta oficial do equipo.** Incorporar a imaxe corporativa da Deputación de Pontevedra cunha medida estándar de 25x8 cm nas camisetas oficiais do equipo polo que recibe a subvención (tanto na 1º coma na 2º equipación) na parte dianteira da camiseta, o incumprimento podería implicar unha dedución de ata o 10 % da subvención concedida.
- **Camisetas oficiais do resto de equipos.** Incorporar a imaxe corporativa da Deputación de Pontevedra nas camisetas oficiais do resto de equipos do club, nun lugar visible e proporcional ao resto de administracións, en todo caso deberá ter unha medida estándar



- de 10x5 cm, o incumprimento podería implicar unha dedución de ata o 5 % da subvención concedida.
- **Roupa de adestramento.** Incorporar a imaxe corporativa da Deputación de Pontevedra na roupa de adestramento do equipo polo que recibe a subvención, nun lugar visible e proporcional ao resto de administracións, en todo caso deberá ter unha medida estándar de 10x5 cm, o incumprimento podería implicar unha dedución de ata o 5 % da subvención concedida.
 - **Roupa de viaxe.** Incorporar a imaxe corporativa da Deputación de Pontevedra na roupa de viaxe do equipo polo que recibe a subvención, nun lugar visible e proporcional ao resto de administracións, en todo caso deberá ter unha medida estándar de 10x5 cm, o incumprimento podería implicar unha dedución de ata o 3 % da subvención concedida.
 - **Pancartas publicitarias.** Incorporar un mínimo de 6 pancartas coa imaxe corporativa da Deputación de Pontevedra na instalación onde se xoga coma locatario a competición. Esta deberá ter un tamaño mínimo de 5x1 m, colocadas unha en cada fondo e dúas en cada lateral nun lugar visible da instalación. No caso de non ter instalación onde se xoga como locatario as entidades deberán colocar unha pancarta de 5x1 nas instalacións ou sede do club, o incumprimento podería implicar unha dedución de ata o 3 % da subvención concedida.
 - **Outros medidas ou soportes publicitarios.**
 - Vehículos oficiais do club. Todas as entidades que dispoñan dun vehículo oficial do club deberán incorporar a imaxe da Deputación de Pontevedra nun lugar visible e de forma proporcional ao resto de administracións.
 - Carteis oficiais. Todas as entidades que leven a cabo carteis oficiais, deberán incorporar a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.
 - Paneis traseiros para eventos ou actos do club, coma roldas de prensa, presentacións, comunicacións ou premios. Todas as entidades que leven a cabo ditas accións, deberán incluír a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.



- Espazo dixital do club (páxinas web e redes sociais). Todas as entidades que leven a cabo ditas accións, deberán incorporar a imaxe corporativa da Deputación nas cabeceiras ou nos apartados de colaboradores ou patrocinadores das entidades. Nas redes sociais será obrigatorio aparecer nas cabeceiras ou fotos de perfil. As entidades deberán nomear a Deputación sempre que se etiquete o resto de entidades ou administracións colaboradoras.
- Outros soportes publicitarios. No caso de que as entidades realicen outras accións ou medidas publicitarias como retransmisións en directo, colocación de pantallas LED na pista ou calquera outra, deberán incorporar a imaxe corporativa da Deputación nun lugar visible e de forma proporcional ao resto de administracións, tanto en tamaño coma en cantidade.
- O incumprimento destes apartados podería implicar unha dedución de ata o 5 % da subvención concedida.

Todos os gastos derivados da produción dos elementos publicitarios mencionados correrán a cargo da entidade subvencionada, que se compromete a actualizar todos estes soportes publicitarios antes de presentar a xustificación.

A Deputación de Pontevedra, en todo caso, poñerá á disposición das entidades subvencionadas os logotipos oficiais da imaxe corporativa en www.depo.gal (área de descargas).

Se non se puidese incluír a imaxe da Deputación de Pontevedra nos termos establecidos, deberase xustificar adecuadamente e propoñer unha alternativa, que requirirá a conformidade do servizo de Deportes e non conlevará ningunha dedución.

As entidades solicitantes deberán ter en conta estas medidas de difusión á hora de deseñar novos equipamentos ou calquera outra actuación.

Novena. Entrada en vigor e vixencia do convenio

O convenio entrará en vigor no momento da súa sinatura e terá vixencia ata o 1 de outubro de 2026 data na que remata a actividade competitiva do club para a tempada 2026. En calquera



caso os efectos económicos do convenio estarán vixentes ata a aprobación do procedemento de xustificación da subvención e do control financeiro.

Décima. Extinción e efectos da resolución dos convenios

O presente acordo resolverase polas causas e cos efectos establecidos nos artigos 51 e 52 da Lei 40/2015. En particular resolverase polo incumprimento, total ou parcial, dalgunha das cláusulas que o regulan.

Décima primeira. Reintegro ou perda do dereito ao cobro da subvención

As subvencións concedidas deberán ser reintegradas cando as causas sexan posteriores ao pagamento destas.

Producirase a perda do dereito ao cobro da subvención, total ou parcial, no suposto de falta de xustificación ou de concorrencia dalgunha das causas previstas na lexislación de subvencións e, en concreto, nos seguintes supostos:

- Incumprimento das obrigacións establecidas con motivo da concesión da subvención.
- Incumprimento da obrigación de presentación de xustificación nos termos establecidos.
- Demais causas establecidas na normativa de subvencións.

Décima segunda. Control financeiro

O beneficiario, de acordo co establecido no art. 31, apartados 5 e 6 da Ordenanza xeral de subvencións da Deputación (OXSDEPPO) publicada no BOPPO núm. 249 de 30/12/2016, estará suxeito ó control financeiro que se poida exercitar, no prazo de catro anos a contar desde o pago da subvención, indicándolle que no caso de non ter contabilidade fiable, só serán subvencionables os gastos que se poidan acreditar mediante extractos bancarios (independentemente do importe dos mesmos).

O control financeiro fará referencia á totalidade de gastos e ingresos da actividade subvencionada, que deberá integrar a totalidade de gastos finais resultantes dos gastos



subvencionables do anexo II presentado coa solicitude, así como, o resto de gastos que a entidade estime imputables á tempada (posibles gastos que non se reflicten no anexo II).

Esta contabilidade deberá estar reflectida nos libros contables coa totalidade de gastos e de ingresos, en caso de ser positiva, a entidade deberá reintegrar o importe resultante, conforme á lexislación vixente, que indica que o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

A determinación de inicio e finalización da tempada, así como, que gastos e ingresos impútanse á tempada obxecto da subvención é importante e sobre todo, no caso de que existan outras actividades complementarias, non incompatibles co seu obxecto social, de carácter industrial, comercial ou de servizos e destinar os seus bens ou recursos a estes obxectivos (como poden ser escolas deportivas, eventos, campus deportivos...). Estas deberán estar reflectidas nos libros contables de maneira independente e no caso de que a entidade presente un balance anual positivo debe quedar reflectido, en que actividade se imputa ese superávit, en todo caso, tal como marca a Lei, estes ingresos obtidos por estas actividades serán utilizados para o cumprimento do obxecto social e non poderán ser repartidos directa ou indirectamente entre os seus membros.

Décima terceira. Remisión ao Tribunal de Contas

As partes comprométense a remitir a documentación necesaria ao Tribunal de Contas en cumprimento do establecido no artigo 53 da Lei 40/2015, de 1 de outubro, de Réxime Xurídico do Sector Público e na Resolución de 2 de decembro de 2016, da Presidencia do Tribunal de Contas, pola que se publica o Acordo do Pleno de 24 de novembro de 2016, polo que se aproba a instrución relativa á remisión telemática ao Tribunal de Contas de convenios e de relacións anuais dos celebrados polas entidades do sector público local, todo elo no prazo e na forma establecida ao efecto.

Décima cuarta. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.



A lexitimación para o tratamento baséase no cumprimento dunha tarefa en interese público ou no exercicio de poderes públicos segundo as normas de rango legal recollidas no apartado “Normativa aplicable”, dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia e ao público xeral dada a publicación de actos prevista.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

Décima quinta. Réxime xurídico e lexislación aplicable

O presente Convenio ten natureza administrativa e rexerase polo disposto no Capítulo VI do Título Preliminar da Lei 40/2015, do 1 de outubro, de Réxime Xurídico do Sector Público.

Para resolver cantas dúbidas ou lagoas puidesen producirse na interpretación, execución, efectos, modificación e resolución do acordo, será de aplicación o disposto no propio acordo, e na súa falta, aplicarase a Lei 40/2015, do 1 de outubro, de Réxime Xurídico do Sector Público, ao disposto na Lei 9/2007, de Subvencións de Galicia, Lei 38/2003, Xeral de Subvencións, a Ordenanza Xeral de Subvencións da Deputación de Pontevedra e as Bases de execución do orzamento da Deputación de Pontevedra para o exercicio 2026, a Lei 7/1985, do 2 de abril, Reguladora das Bases do Réxime Local e a Lei 39/2022, de 30 de decembro, do Deporte e a Lei 3/2012, de 2 de abril, do Deporte de Galicia.

As partes comprométense a tentar resolver de maneira amigable calquera desacordo que puidese xurdir no desenvolvemento, interpretación, cumprimento, extinción e efectos do presente acordo. En caso de non ser posible unha solución amigable, e resultar procedente litixio xudicial, a xurisdición competente para coñecer e resolver devanditas cuestións será a xurisdición contencioso-administrativa, de conformidade coa Lei 29/1998, do 13 de xullo, reguladora da Xurisdición Contencioso-Administrativa.

En proba de conformidade asínase o presente convenio dixitalmente polas partes.



**SUBVENCIONS NOMINATIVAS DO SERVIZO DE DEPORTES
PREVISTAS NOMINATIVAMENTE NOS ORZAMENTOS DA DEPUTACIÓN
ANEXO II - ORZAMENTO DETALLADO DO PROXECTO OBXECTO DE SUBVENCIÓN**

DATOS DA ENTIDADE SOLICITANTE

Club deportivo: CLUB CICLISTA RIAS BAIXAS NIF: G36842946

GASTOS DA ACTIVIDADE SUBVENCIONADA

| | GASTOS |
|---|--------------------|
| Gastos federativos: os que correspondan a gastos emitidos polas federacións deportivas da actividade deportiva subvencionada. | € 1.500,00 |
| Gastos de competición e adestramento: Serán os gastos que correspondan a desprazamentos, aloxamento, manutención, alugueiro de instalacións deportivas, quilometraxe ou similar da actividade deportiva subvencionada. | € 17.500,00 |
| Gastos de persoal: Serán os gastos que correspondan a soldos, salarios ou retribucións unicamente dos deportistas, técnicos, adestradores, ou calquera outro axente necesario para a práctica da actividade deportiva subvencionada. | € 15.000,00 |
| Gastos de material deportivo: Os que correspondan a vestimenta e equipamento deportivo non inventariable, así como, a reparación e mantemento do material deportivo necesario para a práctica deportiva subvencionada. | € 36.000,00 |
| Gastos sanitarios: os relacionados coa saúde das e dos deportistas no desenvolvemento da actividade deportiva subvencionada. | |
| TOTAL GASTOS | € 70.000,00 |

INGRESOS DA ACTIVIDADE SUBVENCIONADA

Axudas concedidas por outros organismos públicos para a finalidade subvencionada

| ORGANISMO | INGRESOS |
|---|--------------------|
| Diputación de Pontevedra | € 40.000,00 |
| Concello de Vigo | € 30.000,00 |
| | |
| | |
| | |
| Fondos propios ou privados para a actividade/investimento subvencionado | |
| TOTAL INGRESOS | € 70.000,00 |

SINATURA

36018486A JOSE LUIS
CHAMORRO (R: G36842946)

Firmado digitalmente por 36018486A JOSE LUIS
CHAMORRO (R: G36842946)
Fecha: 2026.01.10 18:27:48 +01'00'

Lugar e data:

_____, _____ de _____ de _____

